

聖嚴經搜玄記

二上


C 40

617

番號	書名	冊數	備考
		全	第
		冊	冊

西山藏書

大正十二年二月五日
西山五郎氏



B 8388



於大方廣佛華嚴經中搜玄分齊通智方軌第二

終南太一山至相寺沙門釋智儼

第二會佛昇須彌頂品第九四門同前一釋名
者佛者化主昇者上進須彌者妙高山頂者居
勝尊上也問何故此下四會在天說者答德行
位成除鄴淨勝故在天說耳此答前十住位問
也二來意何故來者信故解也此初辨會來意
又何故會來既報體成已次須起化赴機故來
也因此略料簡教興所表今諸會俱不捨離本

處卽表起行成報體堅固不移也而徃諸會卽
表起用隨機此釋約修行體若望生解起信門
卽顯行位增微耳又解文中約佛起用赴機以
解者卽善知識力也若約分位等解者卽約自
修解行也可思准之又此會已下四會並位相
增與前信行少別於三乘一乘法義亦須交落
思准之餘會並同此意品來者前說信法已次
辨起後說所依處耳三宗者約會分別有二一
約人二約法人有化主及助化各有體德用但

局此會二約法者謂十解法後當辨耳約品宗
者若依利他時顯處及供養卽顯法緣若約自
利時此卽機感相應機緣體用成也四辨文此
會有六品分二初二品明方便發起次一品明
正位相次二品明後成滿足行相初三品分二
初起用隨物二帝釋遙見下辨機感相應前文
有二初辨依正二融卽顯前體淨二復顯後用
淨自在無礙成事之本也諸會有文並同此釋
耳但進勝異也問此文何故不在初會後乃在

後會前答若初會後即但顯說法利益義明與
後化用體義不顯故在後會前辨耳餘同此何
故不在第一會後料簡爲前會兼餘義意在彼
釋後第六七八會亦顯別有餘義意耳體中身
口意三也二爾時世尊下彰用應物即用淨也
餘相可知第一相應文有五序一住處序以動
靜無礙無處不至爲此說法德也二請佛序三
集衆序四放光序五讚歎序若通下住品即八
序謂入定加勸及起定也又約品分文亦好也

初住處序及請序有六一見佛來用從實起即
發心緣二即於妙勝殿下明天主嚴供養故請
佛具顯從解成法供養行即成根也三世尊即
受赴感施化釋音寂然表息亂應真也五說偈
下表從定發慧六佛昇坐下明正化用事成相
嚴具文分一初嚴具即成根也二請即成欲也
初嚴中有二初總次嚴坐具二結二爾時帝釋
下明其請佛即表欲也偈文有二一憶本行二
偈讚三結通十方六化成中有二初處坐二辨

用相_二等通餘方也

菩薩雲集品第十四門同上一釋名菩薩者是
人雲者潤益故又斷齟齬也集者聚集妙勝等
者別處也一來意者何故來辨處已次明集衆
三集衆歎德順法爲宗四辨文者此文有三序
一集衆二放光三歎佛今此下三會集衆何故
不在初品復何故一一方各有十又放光下何
以不漸集衆答前會位相未成但顯行圓故在
初品說今此行位具成同彰行位利潤益故共

此品也所以一一方具十者欲顯解相分明圓
融數等一方卽一切方也所以此放光下不漸
集衆者欲顯行位圓成無有增減之相故也於
中別有增減義用上准成卽得也上下應可准
思之上第十會釋集衆光者亦是准義初爲後
則耳初集衆序內有二初指方辨數此中一一
方者或通上會或不通上信行又不成位相爲
此不通下三會位顯故通義也二其世下列名
耳名有三初明十方佛土菩薩二種世間卽爲

三世二此諸佛神力下明集諸菩薩有三淨行
雲集依方坐可知三如此世界下結類十方成
法界會佛同名月者依月起光故清涼故解法
准之菩薩同名慧者解之始故足指放光者表
立解位不退故有二可知三讚歎序文有十菩
薩相生次第嘆解相明白耳可知一法慧偈有
二初長行生起二正偈誦下並准之此文有二
初七牒眾明是佛力所成即結前品中六段義
次三明勝行者得見佛餘莫知者即通讚前難

思下諸人偈並約理成也二一切慧偈有六初
三明謂見之徒不見真佛次三顯解無生法身
常現次一明取著者失次一明慧解者益次一
明解佛因緣成即離癡惑次一推功在本三勝
慧偈有六初三明妄取者失次一明有解者德
次一約法辨觀益次二推功在佛次一明淨慧
者見法身次一推功在本四功德慧偈有五初
四明迷者失次一求勝方便次二明得法性益
次一歎佛利生方便次一推功在本五精進慧

偈有三初一彰失次一辨德次八廣辨觀式獲
益相八文內前四無相生後四真實性也六善
慧偈有四初二明有解能度自他次五明無生
故應眞性次一半歎解勝能次一半推功在本
七智惠偈有三初一明因教成正解次六明迷
教理者失次二重成解德八真實惠偈有五初
二校量勝劣得失次二辨所觀境次一舉益勸
學次一釋知者名次四示其觀儀九無上慧偈
有四初一釋人名次六歎自利次二歎利他德

次一推功在本十堅固慧偈有四初四歎佛是
眞歸次二舉德勸依次二引自勸物令入次二
舉勝人顯德無盡以勸依也

十住品第十一分別有五一釋十住名即辨來
意十者數住者不退位也何故來正故二明所
治是前百部應位斷故若三乘然教所斷外道
我執三所得光增定及頂善根四所成即十解
成即是三乘然教說即此品宗五釋文自下三
品分爲正宗此中二品即爲二初通道二梵行

品是出家別行法初品若義分文此初有三序
光師云有八序爲三初品二合名住處序次品
三合名集衆序此品三名起說序又依地品此
下三會各有六分初名三昧分二加分三起分
四本分五說分六利益分分齊至文應知又此
文有一初明三序次告衆菩薩言下正宗三昧
序加意上已辨定名無量方便定方便是智定
成勝智知法故所以法慧菩薩入定及說者如
下論應知二加序有三初辨同加此有三一明

現身及顯同名卽爲一也二同讚亦有二可知
三釋得所以有四可知二欲令汝廣說下明加
所爲有十一句一總九別後一結成位也第二
九句內初五自分次四勝進耳二善男子下辨
加相謂三業也加相文有二初善男子下辨口
加一如來卽與下明意加二各申下身業加云
何加意與法慧同緣資故也意加文有二初列
十智次何以故下釋所以也問何故與智者爲
智解法故也起有四意一定事訖二得勝力三

性習二種性成就

新
六種性（含二種性）成就

說時至四定無言說故也第二正說文有四初
歎種性深勝并列十名即本分二何等下廣解
住相三爾時佛神力故下明地動顯實證成四
以偈重誦初文有二初總歎種性義即性習二
種性體也二菩薩十住下列十解相明佛同說
也即性習一種性相也此約麤性爲語若就分
位時即有六種性一習種性當十解位二性種
性當十行三道種性當十向四聖種性當十地
五等覺性當十地終心六妙覺性當佛地復名

六堅亦名堅信亦名堅法亦名堅修亦名堅得
亦名堅頂亦名堅覺亦名六忍法忍信忍修忍
正忍無垢忍一切智忍復名六慧聞慧思慧修
慧無相慧照慧家照慧亦名六觀住觀行觀向
觀地觀無相觀一切種智觀此約三乘寄位語
耳此中十解十行中六決定內但無大善決定
十迴向但有觀相善大善及不怯弱餘三併無
所以有大善及無餘三者爲迴向是方便事中
顯成故大善顯也餘三無者爲義隱故不說觀

相等可知十解行等何故無大善解行自行義
顯故無也餘者思之可知初體文有二初總告
二別明六決定也第二解相文有二初舉數引
證立宗二別列有二可知三引證結也十解名
者一發心上期二治地滅或通或生自他利三修行
定成前一耳四生貴行成生佛家五方便具足
自他行滿六正心住得緣記正解七不退理量
正觀雙行八童真無生妙解以立身如童無染
九法王子善施佛教故十灌頂位滿受職相應

十解

故也此卽是下諸位行相也第二廣辨文一一
住皆四段一問列名二辨解相有三初總次釋
三結三明仰修勝進助行亦三立釋結下並同
此亦可當位所習四何以故下釋學意唯初及
十有六句一牒寄問二辨發心緣有六句三辨
行體此有三句一體發心有四緣四因四力四
緣者一見聞佛菩薩神通大事二聞法三末世
護法四見苦衆生故發心四因者一種性因緣
二佛等爲善友三起大悲心四不畏衆難四力

者自力他力因方方便力如地持說也二所起三不退此有二義若約一乘通教入十住位卽四退等皆無二若依二乘十地已來有念退地前有行退位退不退亦退十信已前有實退已後有示現退也此約位語四明所得五明學六辨前學意又此下諸文並有三一問二答三辨成行勝能也此文有三初責因果次辨意三明所成德也謂其義有三一不由他悟問此亦可通釋耳卽自開解者通他小教等解二不由他教

境成三不由他性外別集也後文所爲各同異思之可知耳二治地內初十同二地十種集後十同集果中令諸衆生捨倒住正見等三修行內前十同三地護煩惱行後十同護小乘四生貴內初十相同四地十種法智後十同修道品等五具足方便內初十同五地大慈等觀後十同大悲觀深重苦六正心內初十同六地十平等中第十句後十同前九平等也七不退內初十同七地十種樂無作對治後十同彼對治

乘寄位別觀時如經初住中序集一切善根成

四弘誓未度苦令度未解集令解未安道令安
未得滅令得第二位中修習無量善行謂四念
觀身受心法此四皆空第三住中善集佛道法
謂觀十一切入四大四色空處識處皆如實相
故第四住中一切佛前受法而行入勝處觀內
實五陰中廣相畧相二勝處外假衆生法中廣
相畧相二勝處四大法廣略四勝處如是觀一

八解脫觀

至相又亦大ヲ得ク

之ヲ至相ノ十住ノ解脫ニ於テ
本文ノ十住ハ世間

中ノ十住ハ世間ノ十住ニ
モシハマラヤルカ

論順一切法故第六住中爲諸佛所護八解脫
觀聞慧得內假外假二相不可得故一解脫思
慧內五法外一切法不可得故二解脫修慧六
觀具足色界五陰空三解脫四空五陰及滅空
觀皆不可得故五解脫如相故第七住中廣正
法謂六和敬三業同戒同見同行入此法和必
竟空故住不退位第八住中信喜太法所謂三
處一切因故無作一切果故無相因空果空空
復空故空空如是法如虛空故第九住中住四

等法謂化衆生教四諦法三界非樂爲苦無明
習因受生無窮三空道品無爲寂滅四諦無二
一相故卽是衆生緣法緣無緣也第十住中好
求佛功德謂六念佛法僧戒捨天得一切佛功
德念念入不約三昧常所修故此約二乘寄
觀也第三顯實證成文有二初動地顯實二復
云佛神力下菩薩證成前文有三一動地二雨
花三等餘十方世界等第二文有二初菩薩證
成一結會平等廣周法界前文有四句可知二

結會中有一可知第四重誦文有一百三偈有
二初一百八十五誦十解相二如是十住諸菩
薩下有十八總誦十住結歎勸修初正誦文有
十初九十誦初住次第二治地下誦第二住餘
並可知初文有二初對卅五事廣成發心體二
菩薩如是發心已下辨初住用二是說菩薩下
結也治地內初四誦解後八誦所學行修行前
四誦解後六所學行生貴前六解後六行方便
具足前六解後二行正心前八解後二行不退

前四解後四行童真前六解後四行法王子前
四解後二行灌頂前十德體次二誦住位相下
四誦後方便行第二結歎文有一初十四總誦
十住難知次四結說無盡也

梵行品第十二四門同上釋名者行中上淨
故名梵行也要論梵有二一謂報及方便始修爲
淨成熟爲梵若據報者欲天爲淨色天爲梵若
約自利利他自利爲淨利他爲梵故涅槃經云
三學爲勝聖行四無量爲梵也二明來意何以

來其進道多方從相分一謂一續一素素從利
他無方利物故不往分齊行續從自利故不可
輕壞出世容儀故唯成內觀也故地品辨出家
人唯成三昧問前諸會何不亦說此品答有二
意一此中行劣二以始通終故也何不十信明
此品答此正宗爲彰以法成人不以入成法何
名人成法者法無高下隨人器物顯法精麤故
十信法解未明不可以法成人十信解劣故但
隨信根定法若語形局即諸見更增不成正信

也問梵行發心明法何故不通下三會答理有
以此類彼耳辨宗者無念理觀當是自體果涅槃
圓家行也即爲此品宗又問此中始明十住
初發心因何故乃言是果行也答此明自體眞
發心故契於後際體包無外也又是自體發中
果無戲論行耳故品下結云初發心時便成正
覺具足慧身不由他悟四釋文者此文有二初
問後答所以正念天子問者表定顯理故又正
念不妄淨報堪受也問文有四初總問次牒事

三自分成出家行四速成下勝進明他分又佛
境界又問上淨行品何故在家出家合明此卽
不爾者上爲信根弱故始約緣修相易處雙明
此中已公會法明出家相者欲明自體緣起性
離非斷故離也此如維摩經說答文有三一答
前自分二又復修習增上十法下答前他分問
三菩薩如是觀者下結梵行成答耳初文有三
初辨尋思二正念下辨正觀三是名下結初文
有二一初辨尋思二又知過太下明如實初復分

自性緣起性離非斷故離也

二初舉十法明所觀此有二一初總次別次應如
是下正明觀二當如是下結何者梵行體理實
自體發中正智是也何故法慧菩薩說者圓通
性德非順法之慧不明也十中前六行及行
緣四所信境故偏說也餘相可知如實文有二
初辨觀行二此梵行法下反驗第二菩薩正念
無障礙者辨正觀文有二一初辨無相二如是觀
者下辨依他無生三於一切佛下辨真實無性
喻可知第二勝進文有二一自利有四句謂立

通數極故難分別也次假使下廣答廣文有二
初辨十一喻次發是心已下合喻初文有四初
喻次徵三答四校量餘文不定十一喻中有五
初五戒二十善等此二取所益爲說第二身遍
卽所利生處四知成壞知法時也下根怖望等
七喻明所利根器厚薄下一明諸行德廣入勝
位也第二合文長分爲七初總辨德能一何以
故下噴初非劣成等勝義二答所由四何故下
重噴始同終五此初發心下以終攝始六悉與

當有聲

三世諸如來等下廣辨七彼初發心下法因勝
緣由耳又得證者行證也身證者位證也又得
證智相應身證者身相應也此中並是普賢德
也又問何故諸世界等善順菩薩心轉者何也
答爲菩薩得諸因緣和合自在心是諸法因緣
故隨轉也此可思准又上文十欲等者隨有一
善欲卽具上十德也餘可准之又所以身證通
三世者爲下文菩薩常不離三世佛前故也第
三動地成證等文有五初動地兩花等二諸佛

同證有二可知三利生獲益有二耳四別佛同
說證成前義有二可知五辨成所由有十耳問
何故佛證答爲勝進舉果攝成又恐不信又表
因與果同一性故餘事可知第四重誦有二初
長行生起次偈誦初文有八可知偈文有一百
卅一半分四初廣歎發心現成功德二十方世
界中下重舉前十一喻述德難思三三世人中
尊下辨能成當果四菩薩初發心下結此中不
得細科若細卽失旨也又住位已太所有解行

理事教義等法門並皆常行無間應知又從信
位成已太普賢行乃八相與佛已來並無差別
此可思之餘三乘行義等並別不疑也

明法品第十四四門同上二辨名言明法者有
二一約教阿含法照理現故名明法卽義也二
約行由行增勝後位相現故卽用前位法義解
行等爲明用後位教義等爲法也二來意所以
興者用前行德更修與後地爲方便故也三卽
行教法義等爲此品宗四辨文者所以精進問

者若不精進行不能受此勝進法也所以法慧菩薩答者稱法之慧能申此教故文有二初問次答三未後少長行略結流通也問文有二初問次重誦初文有二初先牒前住位中行德爲生後次第次彼菩薩云何修習下正問勝進中先際行德初牒文有六句可知次問勝進先際文有十一句分四初六自利次隨其下三利他行次興隆下一住持建立次一成事不虛第三勝進中後際地分法有二初總次別別文有三

初明成熟德此文有二初自利成熟行德二具足佛刹下利他成熟衆生行法初自利分有四句一離鄣二成體三成德四成用也二利他中有二謂體德用體有十二事准此可解耳第二天王下明眷屬行法有四可知三得善根力下辨自他德滿成就不虛義有四句也第二重誦文有二初生起次偈誦偈有廿二偈初四謂前牒前初發心菩薩前住位中所進德文次云何下七誦第二彼菩薩下正問勝進中先際正行

次人雄下十一誦善哉下後際果德利他文就
第二云何下先際自分中初有三偈誦上自利
六句次二頌利他行十三句次二誦建立文次
一誦果行成就不虛第二答中有一先長行後
偈誦初文有三初讚歎所問今時多益有三可
知二勅聽許說三佛子此菩薩下正答上問文
有一初答勝進中先際自分正行一菩薩摩訶
薩若得成就下答上勝進中後際果行初文有
一百七十句亦可八十句耳有四初一百二十

答上十一句中初六句自利行次卅答利他行
三句次十答住持建立次十答成事不虛答自
利文中初一百答前五行後十答第六行答前
五文中一一皆廿句答之卅內前十自行相應
法次十勝進修行法云具足淨慧等者牒前自
利行生起後利他令勢相連也諸十文各有四
初生起次問三答四結亦有不定者可准思之
利他前問有三此答中有卅亦可五十句此初
卅答二中初句次不捨諸波羅蜜十句答前第

二句次佛子下十答前第二句前廿句亦可刪
句也初五知器所宜次十應諸病授次十五應
器與法言能如是行者則興隆三窟者有十答
第十句內住持建立此中有一初總次別此別
文中分四前三別第四總前三文初依教道次
依證道後依不住道六和敬者身口意業及見
戒施同也菩薩如是不斷三窟下有十句答上
自分行第十一句行成事不虛有二初十辨行
成事不虛次第答前五句二有十以德自嚴即

答前不虛句三有十以自嚴故能攝化不虛亦
同答一句於中法喻合三文次若得成就下第
三答後際果德行中有三初菩薩摩訶薩下
滅除癡闇果熟德行法此文有一初辨自成熟
行二次第方便下明利生行耳二於大衆中下
辨眷屬行三成就如勝妙法下辨行成不虛
唯除如來者以上過下也第三行不虛文有三
初立次責三答答中有十句前六因後果行
第一重誦有一初長行生起二正誦偈勝進中

有廿偈有二初十三誦先際緣起次七頌上答
中勝分果德自分行法前中初六半誦自利行
次三半頌利他次一頌住持建立下二頌成事
不虛後七中初一半自利果及利他果次三半
誦眷屬行下二頌行成不虛也

第四會佛昇夜摩天自在品第十五四門同上
一釋名佛者化主夜摩者時天亦云戲樂天者
明故自在者遊空無礙也約行准之可知卽答
上十行問二來意者所以表依解起行也有二

意會來意一品來意並如第二會說准之三宗
者有二約人約法同上准思之可知也此品宗
爲明處及興供養四辨文者此文四品分三初
二辨序次一明行體次一明勝進方便也此初
序文一同前會但增勝轉上寄法不同耳爾時
如來威神力故十方一切諸佛世界諸四天下
一一閻浮提乃至無不顯現等者若約三乘教
辨時閻浮提苦空穢惡厭苦情慙忻上志猛故在
閻浮成道佛身非出世若約一乘二乘共教時

欲顯闇浮是實即空是似成假爲事纏綿聖恒
悲愍佛以本願力悲愍衆生應於世處成道佛
身現佛故身即出世也若約一乘時此闇浮處
即一心法界境界若佛若處俱顯處佛深無穢
之最佛故顯在此方成道也但諸應化事義並
皆准此別之第二供養成機中有四初文有二
初明與供養即根也二合掌下明請佛即欲也
初供養行中有三初嚴次結初有廿三事初辨
事嚴次善根下行嚴三如來下佛德加嚴供養

N.B.

顯因同果餘可知也問何故十解讚偈別列佛
此即不者何也答解相別知行即通成故也
菩薩說偈品第十六四門同上初釋名自體妙
因行集文班教則顯彰故言菩薩說偈也餘義
可知來意及宗併同上准也又問若義次第相
生意同但所顯別者何故名目不與上同答此
但欲交絡顯義意故爾也但增勝及託法爲異
者可知四釋文者此內第一集衆序中世界同
慧者用前解慧即爲行所軌故佛同眼者行心

慧者行心也

見法明白故菩薩同名林者但以此行益物熾
燃俱興顯備集之相故也第二段中足指放光
與前會何別答況足指有行住二力前彰住此
顯行故況別也第三說偈序內十人即各以自
已得緣起真如法目歎佛即歸行相也初一功
德林偈有二初長行生起第二說偈下並准之
此文歎法身自在功德有十一偈初六牒前昇
天雲集自在多相次五法身自在甚深二慧林
偈文有二初二辨佛具德難遇次八釋前具德

難遇八中分三初二明上具德門二如來無與
等下四釋上難遇三不可思議劫下二校量勸
修三勝林偈有四初二喻說微深次一法合次
二辨深所以次五歎其勝用四無畏林內有三
初二舉體勝次五舉用勝次三勸學初體用二
文各有二初舉法深二歎勝五慙愧林偈有五
初一總歎佛法勝益次一歎勝用相次六反成
勝用所以此中初一總次五別次一重順成人
德用五結人難見也反成文內初一愚智性別

喻次一同成虛妄喻三二性乖違喻四愚智緣
隔喻五用無相感喻也六精進林有二一總歎
人勝次八廣舉法成人次一明人法深故難見
八中一法體無異喻二法體空無喻三法體無
實喻四法體離相喻五法體成眞喻六一成多
用喻七起用依緣喻八體堅難壞喻准初說之
七力成就林有三初四依他緣起觀次五分別
無相次一約心歎用也初文分一初二法次二
觀八堅固林有一初七辨佛性相二身難議次

三歎勝前有一初二喻辨性身次有五唯喻合
并歎應化也九如來林偈有一初九法喻雙顯
次一勸學前文有一初五喻展轉答五玄疑一
疑法是實初行答之二見生異解疑法離因三
疑分別實法離心有之四疑既是心作何爲非
有五謂心作法有知此可思准次四法合造如
來者謂無作佛也所以者乘前來意不得爲有
作佛故十智林有二前八歎法身甚深次一結
勸學初文有一初二歎體次五歎用也

功德花聚菩薩十行品第十七分別有五一釋十行名及來意二所治一乘如前解三乘終教者聲聞畏苦鄣所得通行定及忍善根四所成卽十行位卽此品宗五釋文一釋名者功德者行體花聚者喻名也歎行勝妙能與果爲依衆行集故也衆德聚集能嚴無上菩提果是因故安菩薩也十行者數行之本相故文云譬如數法一從一至無量皆悉是本數智慧故差別從五義得名耳前衆既集次須鄣說故次來也

四此品以所修行體及位爲宗五辨文者此文有七分初三昧分二加分三起分四本分五說分六利益分七偈誦善伏定者行力也加勸序者明此行法其旨甚深分在非已自非諸佛加持道力說之莫由故次明也此內有一初總辨加所爲二佛子當承佛下明加相差別初文有三初明佛加讚二十方下明加所以三欲令汝廣下辨加所爲初文有三同上會所以中有四句可知所爲中有十句初一欲令等者總也次

八句廣次一句結差別二加相差別三業可知
問何故意加與法答法是正行之本也故與法
也又問前會何以不與法乃與智者答法從智
生及親能成行智境即通故前會但與智也此
約地前非證位故作此解耳二意加中有三可
知四告諸菩薩言下即本分文有二初歎十行
宗本廣大即體也三列十名即相也六決定同
前解但行異耳問何故前觀相約性今此約行
業者答前解相非勝故約性此行相即勝故約

此前十句廣次一句結差別

相也此可思准所以並無常果因者爲顯在有
流因位耳第二就本分相中有五初問次畧答
三重問四答五結也第四答中一釋歡喜者施
成自他喜二饒益者持戒攝益故三無恚恨者
忍息自他恨四無盡者精進獲無窮德五離癡
亂者得定故也六善現者智現緣起法七無著
即方便度故八尊重即成願九善法者力知善
現十眞實者得智順理善說五說分中有十可
知佛子何等者此初文有三初牒問次釋三結

釋文有三初辨布施行相有一初釋次結行相
有十七句可知二菩薩修歡喜行時下明行熟
廣接令他喜也此文有四一修施儀二離過三
設方便四明所爲此文三句謂自因果及爲生
第三句有二可知三離諸我相下明離三輪成
度也此有一句自利利他也二饒益相文有三
初問次答二結第二文有三初明性成二戒體
有八句三菩薩如是持戒時下對緣辨持相此
有四初持戒儀二辨方便三離過此有五句初

句分二可知四明所成此有二句可知三何以
故此是我業下舉行離相成戒度也此中有二
初問次答答文有三初明觀有五句二未度者
下明意二我當下明所起無恙文有三初問次
答三結答文有二初辨忍行體有八句二菩薩
成就如是淨慧忍下對緣辨忍相相文有三一
他不饒益忍此能所分一能中口身分二也二
菩薩作是思惟下安忍有三謂立責答可知三
復更思惟下辨法忍此中初法次是故下所爲

有三句三佛所行法下辨疑也無盡相文有三
謂問答結答文有三初辨精進體卽勸勇進有
十十句二菩薩復作是念下加行進有二初明
所離二辨所趣三菩薩成就如是下辨難壞無
足等也此有二初有二問答辨難壞二釋分齊
可知離癡相文有三初問次答三結答文有三
初辨入理安樂住定二是菩薩成就寂靜引通
定三菩薩聞此能壞下隨利他定此初內有三
初辨定體無失二菩薩成就如是等下辨定業

是修也

三三三

用此中有四初總辨二何以故下釋所以三此
菩薩下別辨有二初辨次對因明也四如是等
下以廣顯略也三菩薩於三昧中下辨觀行成
前自在耳此中相性成治分三餘文可知也善
現文有三初問次答三結答文有三初辨加行
波若二無所依無所住下正證智三分別一切
世間法下後智波若初文有二初明智體二無
所有下釋成前義正證文有十八句有四初七
辨智與理相應二離業報下六辨正證離諸相

二智

一
如
理
智

佛并、眞諦、理、如、智、覺、
或、根、本、智、ト、覺、ト、無、分、別、智、
ト、名、ト、眞、智、ト、名、ト、覺、智、
名、ト、
二、如、量、智、
佛、并、信、諦、理、三、如、智、
或、二、復、得、知、ト、名、ト、有、分、別、智、
ト、名、ト、信、智、ト、名、ト、偏、智、
名、ト、
佛、内、事、相、三、通、
二、ル、信、智、

三無所依住下二辨所住分量四入離虛妄下
三句明觀成分入無性門也後智文有三初辨
如量智中如理卽顯所知法二安住三世平等
下辨如量智中如量卽對所化生二是菩薩住
此行時下德用自在餘文思之可知解無著文
有三初問次答三結答文有三初辨自利方便
二初得受記下辨利他方便三菩薩如是觀察
下二利善巧滿足有三初辨二行二所以者何
下辨所以可知也自分文有一初自分住中修

二不捨菩薩心下辨勝分位修有二可知自
住有三初於淨法中修無著行有二可知二見
不淨剎土於染行中修三何以故下辨前無著
所以有三初問答總辨二廣辨三對生明離過
二利他文分二初辨大悲方便觀二觀不著身
等下正明不著行此中有十句三何以故下明
不著所以初大悲觀有三初辨大悲深重二爾
時菩薩見彼生下明增上三爾時菩薩作如是
念下明爲普耳尊重文有三初問次答三結答

文有六初辨所遵法二此菩薩行時下辨所趣
此有二初趣二益益有三益一成願二成生三
顯理理中有二初法喻合卽立宗二有二責可
知三菩薩如是下辨所成用有法喻合三文初
法中初行行離非二得法爲人三成功入法界
四而菩薩摩訶薩下明行自在五如是菩薩成
就下辨用無二此文有四義第四義答中法喻
合三文可知六此菩薩下明行成熟有二初自
利二利他他文有二初教二申已意以去疑有

二初申意二有二責可知也善法文有四初問
次答三法結四利益答文有三初舉善法以爲
佛種二清淨陀羅尼下釋成行體三菩薩摩訶
薩安住善法行下約修辨成第二釋成行體文
有二初辨行體有二可知二爾時菩薩下明行
作用作用有二可知三約修辨成文有二初總
次別別文有三初總次佛子下別有二可知三
成就如是十種身下結成行用真實文有二初
問次答答文有七一言行相應故真實二此菩

薩下行相應此卽釋名三菩薩成就衆生下辨
行體此有二初立次是故下結勝前文有二各
有立責答四不捨下辨行用謂身口意卽爲三
也五摩訶薩住大悲下辨卽位以因成果六是
爲下結七此菩薩安住下成利益也上來約一
乘信行相若約二乘寄位別觀時如經初行之
中爲自得一切種智故起四精進懃修二善懃
斷二惡爲求佛果故第二行中爲得自身有大
力故爲四如意足念守境精進馳求定捨攝慧

照境得法無生自在故第三行中願無畏具足
故謂五根信進念定慧皆無相故第四行中求
具足三審故謂五分法身戒除形非定無心亂
慧悟相虛解脫無累知見一切衆生無縛知見
解脫故諸法虛空無二故第五行中爲化一切
衆生故謂八正道從師生慧名正知見得法生
思名正思惟出家受道得二道分名正信正業
正命入法性空名正定正覺於無生無二觀一
合相故第六行中大悲故起七觀擇法念法精

進法觀法喜法定法慧法人一相故第七行中
爲得四無礙故謂五善根正觀煖觀頂觀忍觀
三界空第一觀能生十地無相大明慧聖人胎
未變第一空平等故第八行中一切佛國中
行故謂四化法法辨義辨語辨樂說辨此四名
慧中性空照一切法無生第一義諦中行故第
九行中於一念中照一切法謂三世十二因緣
皆假合會以成性實不可得故第十行中爲自
在轉大法輪故謂菩薩三寶智覺中道一切法

無生佛審則用爲法審常行六道與物相應名
僧審轉一切衆生流入佛海故此約三乘寄位
語也六爾時佛神力故者證成所說此文有四
初動地雨花等二如是四天下結會平等三爾
時各過下明十方菩薩證成以此十方菩薩證
成文即知諸會後此處同名佛菩薩並爲證義
故來會初十方同名集者但是影嚮樹位分齊
生是證法餘可准之四結通十方四重誦文有
二初長行辨說偈意問此中佛種性菩薩種性

何別答因位菩薩由佛而成卽是佛性由菩薩
自成卽菩薩性也此等可思准耳二說偈有一
百一十二偈此中有三初七字偈總歎二別歎
三後有四行總結大精思之又此衆德上十行
十一位中皆具有也

華嚴經畧疏第二本終